

- 1<sup>r</sup> Wer nit vor gürt / ee dann er rytt
- 2<sup>r</sup> Vnd sich versicht vor hyn by zyt
- 3<sup>r</sup> Des spot man / falt er an eyn sytt



## Von vnbesinten narren

- 1 Der ist mit narrheyt wol vereynt
- 2 Wer spricht / das hett ich nit gemeynt
- 3 Dann wer bedenckt all ding by zyt
- 4 Der satlet wol / ee dann er ryt

5 Wer sich bedenckt noch der gedat  
 6 Des anschlag gmeynklich kumbt zů spat /  
 7 Wer jnn der gdat gůt anschleg kan  
 8 Der muß syn eyn erfarnier man  
 9 Oder hat das von frowen gelert  
 10 Die syndt sollchs rates hoch geert /  
 11 Hett sich Adam bedacht vor baß  
 12 Ee dann er von dem appfel aß  
 13 Er wer nit von eym kleynen biß  
 14 Gestossen vß dem Paradiß /  
 15 Hett Jonathas sich recht bedacht  
 16 Er hett die goben wol veracht  
 17 Die jm Tryphon jn falscheyt bot  
 18 Vnd jn erschlůg dar noch zů dot /  
 19 Gůt anschleg kund zů aller zyt  
 20 Julius der keyser / jn dem strit /  
 21 Aber do er hat fryd vnd glůck  
 22 Sumbt er sich an eym kleynen stuck  
 23 Das er die brieff nit laß zů hant  
 24 Die jm jn warnung worent gsant /  
 25 Nycanor überschlůg geryng  
 26 Verkoufft das wyltpret / ee ers fyng  
 27 Syn anschlag doch so grōplich fãlt  
 28 Zung / handt / vnd grynt man jm abstrãlt  
 29 Gůt anshlãg die sint allzyt gůt  
 30 Wol dem / der sy by zyten dūt  
 31 Mancher ylt / vnd kumbt doch zů spot  
 32 Der stoßt sich bald / wem ist zů not /  
 33 Wer Asahel nit schnell gesyn  
 34 Abner hett nit erstochen jn

c1'

c